

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

تَبْلِیغات

سنه لکی در سعادت ایچون مجیدیه
یکرمی غروش حسابیه التمش
غروشدر

طشیره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تَبْلِیغات

انجمن عدلیه دن تنظیم واعطا قلنان مذکره در:

کوش حاجی کویلی متوفی عمر خواجه مخدومی
مصطفی امضاسیله عدلیه نظارت جلیله سنه تقدیم اولنوب
محلی اجرا دائره سی معاملاندن شکایتی متضمن اولان
تلفرافنامه اوزرینه اجرا قلنان تحقیقاتی ناطق سیواس
ولایتی عدلیه مفتش لکندن وارد اولان تحریرات
ملفوظاتیه معاً انجمن عدلیه به حواله وتودیع قلنمغه
مطالعه وتدقیق اولندی.

مألرینه نظراً کوش حاجی کویلی قضای زراعت
بانقه سنک کاتب سابق عزیز افندینک ذمت متبینه سی
اولان اون ایکی بیک کسور غروشک کفیللری
مشکی مصطفانک مورثی عمر خواجه ایله اشخاص
سازده دن تحصیلیه محلی مجلس اداره سنجه حکم ویرلکدن
صکره کفیل مومی ایله عمر خواجه نک وقوع وفاتیه
بانقه طرفندن ورثه سی علیه تکرار مجلس اداره ده
اقامه دعوی ایله ذمت مذکورده دن بر قسم نک تحصیلیه
حکم استحصال اولنمش و محکوم علیه لر طرفندن اشبو
حکمه اعتراض اولنما قله اکتساب قطعیتمی
اوزرینه قضای مذکور اجرا مأموریتجه ده ورثه
مرقومه به مورثلرندن منتقل اموال منقوله وغیر
منقوله حجز وفروخت اولنور رق بدللرینک بانقه به
تسلیم قلنمش اولدینی اکلالمشدر.

تفصیلات مسروده دن واوراق اجرائیه مندرجا
تندن منفهم اولدینی اوزره کرچه کفیل متوفانک
ورثه سی علیه مجلس اداره ده اقامه دعوی وحکم
ایدمک ودائره اجراجه دخی ختام مزایده دن صکره
مدیونلره یازیلان علم وخبرده ورثه سنک امضاسی
بولنماق وبو علم و خبرک تاریخ احاله دن مؤخر تاریخ
حاوی اولق کبی مخالف قانون احوال ایله کرک
حکمک و کرک معاملات اجرائیه نک یولسلرلی تظاهر
ایتمکده ایسه ده بروجه محرر مجلس اداره اعلامک
اکتساب قطعیتمی و ذکر اولنان غیر منقولات

ایچون مشتریلری نامنه تصرف سندانک تنظیم واعطا
قلنور رق معاملات اجرائیه نک تکمل ایتیش بولنسنه
کوره دائره اجراجه ارتق اصلاح معامله به امکان
قانونی اولیوب یالکز مشکنیک دیلیدی حالده اجرا
مأموری علیه اشکنکا عن الحکم طریقه مراجعتله
برابر فروخت اولنان املاکک یولسلر صایلدیغندن
بجمله استردادی ضمننده ذی الید و مشتریبی علیه ده
دخی محکمه عأده سنجه اقامه دعوی ایتیمی اقتضا
ایده جکندن بوجهنک ایجاب ایدلره تفهیمی خصوصنک
مذکور مفتش لکه تبلیغی تذکر قلنمشدر.

حاکمان و مقررات

محکمه تمیز حقوق دائره سندن تنظیم واعطا
قلنان اعلامدر:

قاضی قریه سنده مهردادده مقیم اطناش فرنا
جویدی ایله مقری قریه سنده قزطاشنده نومروسز
خانه ده ساکن انسطاش اسکندریدیس ینلرنده متکون
دعوايه دائر محکمه استیناف حقوق قسمندن ۱۷
نيسان سنه ۳۴۰ تاریخی و اوتوز یدی عددی ایله
ویریلان اعلام مرقوم اطناش فرنا جویدی طرفندن
تمیز اولنمغه اعلام مذکور طرفینک اعتراض وجواب
لایحه لرله برابر بالمطالعه تدقیقات تمیزیه اجراسنه
ابتدار اولندی.

اعلام مذکورک خلاصه مالی مرقوم انسطاش
اسکندریدیس قاضی قریه سنده آغا بک سواقغنده
یکرمی سکز نومرولی ابنیه سنک انشاسی بر قطعه
مقاوله نامه موجبنجه و مرقوم اطناش قرتا جویدی
کفالتیه درعه ده ایدن ابنیه قالفه لرندن یورکی پتروسک
مقاوله نامه نک دردنجی ماده سنه مخالف اوله رق
اناختاری تسلیم ایتیمکسزین بدل انشا آنک صوک
تقسیمی اولان یکرمی بش عثمانی لیراسی اخذ ایتیش
اولدینی حالده ابنیه نی اکل ایتامش واکالی ضمننده
طرفندن صرف ایدیه جک مبلغک تأدیه سی اخیراً

هرایکسی تعهد ایلش اولدقلرندن بجمله مذکور ابنیه نک
اکال انشاسنه صرف ایدیه کی التمش عدد لیرای
عثمانینک سالف الذکر یکرمی بش لیرا ایله برلکده
تحصیلی اسکدار بدایت محکمه سنده طلب و دعوی
وبر قطعه سند ابراز واعطا ایتیمنه قارشو مدعی
علیه مادن یورکی دردنجی تقسیطله برابر یوز طقسان
بش لیرا مدعیدن مأخوذی اولوب دردنجی تقسیط
بدلندن یکرمی بش لیرا مدعی نزدنده قلنمش ایسه ده
کندی حسابنه طوغله وسائره به ویریلان یکرمی لیرای
قبول ایده جکنی و ابنیه به امری اوزرینه صرف ایدیلان
اچه ایسه انجق ایکی بیک ایکی یوز غروشدر عبارت
اولدینی ومبرز سند دخی بدلسر اوله رق مدعینک
یدنده قالدیغنی و کفیل اطناش ایسه یکرمی بش
لیرایه کفالتی اولدینی ومبرز مقاوله نامه زیرنده کی
امضا کندوسنک اولدینی بیان ایلش و مدعی دخی
منازع فیه خانه نک کشفی طلب ایتیش ایسه ده مبرز
سندده اکال نواقص ایچون مرقوم اطناشک مأذون
اولدینه دائر برکونه قید وصراحت بولنمادینه و یورکی
دخی کندوسی ایچون ایکی بیک ایکی یوز غروشک
صرف اولنمش حقه ده کی امری بعدالافراز فضله
صرفیات وقوعی انکار ایلسنه بناء فضله حقه ده
امر ایتیمکده دائر یورکینک ومبرز سندده محرر
یکرمی بش لیرا حقه ده دخی اقرارنده کاذب بولنمادینه
دائر انسطاشک اجرای تحلیفلرینه قرار ویرلمی
اوزرینه وقوعبولان دعوته مدعی علیه مادن کفیل
اطناشک اجابت ایتامسی حسبیه آنک حقه ده وکیل
مسخر حضوریه غیاباً و یورکی حقه ده وجاهاً جریان
ایدن محاکمه و تدقیقات نتیجه سننده برمنوال محرر
توجه ایدن یمینی طرفینک قبول واجراسیله مدعینک
مقربه ایکی بیک اکیبوز غروشدر زیادده حقه ده کی
امر مدعی علیه دخی اقرارنده کذب ادعای
ثابت اولدینه ومبرز مقاوله نامه زیرینه موضوع
امضا کفیل اطناش طرفندن عندالحاکمه اقرار
واعتراف ایدیش و مدعا به یکرمی بش لیرا اکال
انشا آت ایدیه مامسی اوزرینه اعاده سی طلب اولنان

بر آنچه اولدینی و مبرز سنده مرقوم اطناشک
امضای بولنامسی بکرمی بش لیرایه کفالتی بوق دیمک
اوله میجفته بناء مذکور ایکی بیک ایکیوز غروشله
بکرمی بش لیرانک یورکیدن بالاصاله و اطناشدن
بحسب الکفاله بالتحصیل السطاشه اعطاسنه دائر
محکمه مذکوردهن اولای غایباً و اعتراض علی الحکم
اوزرینه وجاهاً لاحق اولان حکمک عندالاستیفاف
تصدیق حکمدن و مستعدی تمیز اطناشک اشبو
حکم علیهنده لایحه سنده محرر اعتراضاتک باشلوجه سی
حکمه سبب اتخاذ قلنان سنده کندوسنک امضای
اولدینی کبی مذکور ایکی بیک کسور غروشک
صرفی خصوصه دخی برکونه کفالتی بولندینی حاله
درجه اولی محکمه سنججه بورالری نظر اعتباره
آلتمسزین برمنوال محرر ویریلان قرارک استیفاف
محکمه سنججه تصدیق ایدلسی یولسز و مغایر قانون
اولدیندن بمثل اعلام مذکورک تقضی استداسندن
ومدی علیهنک لایحه سنده مندرج نتیجه جوانی دخی
اعتراضات مسرووده نک وای و بی اساس اولدینی
بیانیه ردی و موافق اصول و قانون اولان اعلامک
تصدیق بیاندن عبارتدر .

ایجابی مذاکره اولندقدده اعلام مذکورما لندن
منفهم اولدینی اوزره کفیل مرقوم اطناشک حکم
ابتدائی قبول و رضاسیله اجرا ایتدیردیک و بوحالده
استیفاف دعوایه محل قالدینی استیفاف محکمه سنججه
جلب و مطالعه اولنان اوراق اجرائیه مندرجانیله
تحقیق ایتدیک حالده محکمه استیفافیه جه دعوی
استیفافیه نک قبولیه اعلام مستأنف هک تصدیق
قرار ویرلسی یولسز و مغایر قانون اولدیندن اصول
محا کة حقوقیه قانونک ایکیوز فرق برنجی ماده سی
موجبتجه اعلام مذکورک تقضیه قانون مذکورک
ایکیوز فرق برنجی ماده سی حکمه توفیقاً کیفیتک
بو صورتله بالاصلاح اعلامه ربطی ضمننده قسم
مذکوره اعاده سنه و اولجه مستعدی اطناش طرفندن
ویریلان یوز الی غروشله بوکره مدعی علیه السطاش
اسکندریدیس طرفندن ایفا قلنان ایکیوز یتش بحق
غروشک جماعاً درتوز بکرمی بحق غروش مصارف
تمیزیه نک ایلروده حقسز جیقه حق طرفه عائدیتنه
۲۵ مایس سنه ۳۴۰ تاریخده اکثریتله قرار ویرلدی .

سلمان بن طاهر درویشک کفیت قلندن دولای
جنایتله اتهام اولنان چوبان غورو بن محرمک اون
بش سنه مدته کورکه قونلشنه دائر ارکری سنججانی
بدایت محکمه سی جزا دائره سندن اعطا قلنان ۵۹
نومروی اعلام

خلیل بن نوربنک ماده قلندن دولای جنایتله
اتهام اولنان جلال بن حبیبک اون بش سنه مدته کورکه
قونلشنه دائر پروزه سنججانی بدایت محکمه سی جزا
دائره سندن اعطا قلنان ۳ نومروی اعلام
یافلی حامد الحروطی بن داودک لیل خانسی
دیواری دلهره سرفقه تصدی ایلدیک ادعا اولنسندن
دولای جنایتله اتهام اولنان درملده مقیم محمد بن احمد
ابو مخجر المصرینک اوج سنه مدته کورکه قونلشنه
دائر قدس شریف سنججانی بدایت محکمه سی جزا
دائره سندن اعطا قلنان ۸۴ نومروی اعلام
قوجه اوغلی علی بی قتل ایلدیک ادعا اولنسندن
دولای جنایتله اتهام اولنان حامدک اون بش سنه
مدته کورکه قونلشنه دائر سیواس ولای استیفاف
محکمه سی جزا دائره سندن اعطا قلنان ۳۰ نومروی
اعلام
محمد اوغلی رجه قتل قصدیه تشهر سلاح
ایلدیک ادعا اولنسندن طولای جنایتله اتهام اولنان
عالم بن حسینک اوج سنه مدته کورکه قونلشنه دائر
کوملنه سنججانی بدایت محکمه سی جزا دائره سندن
اعطا قلنان ۵۲۸ نومروی اعلام محکمه تمیز جزا
دائره سنججه تصدیق قلنمشدر .

۵۳۴ نومروی نسخده مندرج درسعادت جنایت محکمه سی اعلامنک مابعدی :

یوم مذکورده متهم احمد و توفیق وحسین
علی الاصول توقیفخانه دن کتوردیلهرک و متهملردن
احمدک وکیل حمدی افندینک عدم ورودینه منی
مرقوم قبول و موافقتیه وکیل تعیین قلنان و اوراق
وضوابط محکمه سی حکمه قلندده مطالعه ایله مدافعه
مهیا ایدوک سولیان محکمه زنده مستخدم دعوی
وکیللردن آرتین ذلیجیان و توفیق وحسینک وکیللری
نجانی افندیلر و معاون موسی ایل حاضر اولدقلری
حالده محاکمه سالونه جیقهلر و مدعی شخصیلردن
ناصر افندی طرفندن جلب مذکره سنه وضع امضا
وعلی نظر ایله عبدالله تبلیغات قانونیه اجرا ایلدیک
حالده ورود ایتدیکری جهته معاون موسی الهیک
طای و جهله اوراق مذکورده نک اوراق اساسیه سیله
برلشدریلهرک توحیداً باقلمسنه و مدعی شخصیلرکده
غایبده رؤیت دعوی ایدلسنه دائر متفقاً ویریلان
قرار طرفینه اکلا دیلهرق تدقیقاته دوام اولنسدی
واول امرده هیئت اتهامیه مضبطه سی و اتهامنامه سی
اوقوتدیرلدی .

مضبطه ده قصاب احمدک نظر علی بی جرح ایلش

اولسندن طولای اتهامه اخبارات و معاینه راپورلری
مندرجانی کافی کورلش و حرکتی قانون جزانک
یوزسکسانجی ماده سی حکمی مستانم افعال جنایتدن
بولنش اولدینندن جنایتله اتهامه قرار ویرلدیک
محرر و اتهامنامه ده دخی مرقومک مضبطه مذکورده
مندرجانی وجهله اتهام ایلدیک مسطر در .
اتهامنامه نک خلاصه مالی جانب ریاستندن
متهملردن احمد تفهم و توضیح و معاون موسی ایل
طرفندن دخی دعوانک تشریح اولنسنی معقب متهم احمد
سولتدیرلهرک کندوسی نظر علی ایل منازعه ایتدیکری
و مرقومی جرح ایلدیکری بیان ولدی السؤل
وقعدن برکون مقدم میخانه ده اوطور مقدمه ایکن
مرقوم نظر علینک برطاق رفیقار یله باره کیسه سی
اخذ و غصب ایتسندن طولای یتلرند منازعه ظهور
ایتدیکندن اقرا ایتدیک اولدینی اتیان ایلدی .

بناء علی هذا نظر علینک معاینه قطعیه سی حاوی
طیب راپوری اوقوتدیرلدی .

ما لنندن مرقومک مذکور جرحه سی التیام
ایلدیکری و بوی جرحلر لایقوله نداوی اولنسدینی
حالده اوتوز کون کندوسنی ایشندن معطل ایلدرک
مدت مذکورده ظرفنده اوجیوز غروش اجرت
نداوی ایل التیام ایدجکی منفهم اولمشدر .

قرائت اولنان راپور مندرجانه قارشو متهم احمد
یاره سی یلمم جوابنده بولندی .

مدعی عمومیک مقامندن اعطا اولنان بوصله ده
ادعا شاهدی اولهرق اقامه اولنان و کینه سی واقعتکاهی
برنجی محاکمه ضبطنامه سنده محرر بولنان کیقورق
ولد سرکزک دعوت واقعه ایتاباً ورود ایتدیکری
خبر ویرلمکله حضور محکمه به تکرار چیقاریلهرق
لدی السؤل طرفینه برکونه قرابت و مناسبت
و خصوصتی اولدینی اکلاشدقندن وعلی الاصول تحلیلی
اجرا قلندقدن صکره مواجهه استاعنده ضبط
مذکورده کی افاده سی تکراراً بیان ولدی الاستیضاح
نظر علینک جارخی تعقیدن عودنده سی قصاب احمد
اوردی دیدیکری کندوسی جارخی تعیین ایدمه جکی
اتیان ایلدی .

متهم احمد احمد نامنده برچوق قصاب بولندینندن
هر حالده کندوسنک الملی لازم کیلجکی سولیدی .
مدعی شخصی نظر علینک افاده مضبوطه سی
دخی اوقوتدیرلدقدده وقعدن اوج درت کون مقدمه رکیجه
احمدک اسملری بیلهمدیکی بانجوانلره بحیاق تشهر
ایلدیکری اوطه سنه کیتمکده ایکن کورمسیله تقریق
ایلدیکری ووقه کونی کیجه سی برmq قبوده اسمنک
قهوه خانه سنده اوطور مقدمه بولندینی صرده مرقوم

احمد کلهرک و بی نه ایچون قره غولخانه به اخبار ایلدیک
هایدی برلکده قره غولخانه به کیده دیهرک برلکده
قره غولخانه به کیتمک اوزره سلطان بازید میدانندن
کیرلر ایکن مرقوم احمد بحیاق تشهر ایله اوزرینه
محرم ایتک ایستمش ایدده وقوع استمدادینه منی
قرار ایلدیکری و صاحبین والده خانی قپوسنده کی
قهوه خانه سنده قهوه پیشورر ایکن دکانه کیتمش
اولان احمد برشی سولیکسزین واسطوره ایله صول
طرف بولندن جرح ایله قاچدینی سولیدیکری مندرج
بولنشددر .

متهم احمد قرائت اولنان افاده نامه یه قارشو سکوت
ایلدی .

چورکی عبد اللهی ضرب ایتدیکینه دائر
اولان اوقونان استیفاف جنجه محکمه سی اعلامنده
جراح باشا حامنک کلخننده مقیم چورکی عبد اللهی
ضرب ایتدیکری ادعاسیله مظنون علیه اولان قصاب
احمدک بدایت محکمه سی ایکنجی جزا دائره سنده
جریان ایدن محاکمه سی نتیجه سنده مرقومک قانون
جزانک یوز یتش طقوزنجی ماده سنه توفیقاً اون بش
کون حبسنه و یوز اون غروش مصارف محاکمه نک
تحصیلشنه قرار ویریلهرک وقوع استداسنه منی
تدقیقات استیفافده شهود مستمه نک هوتی تعیین
ایتدیرلماش اولسندن طولای اعلام ایتدیانیک
فسخبله شهودک جلب واستاعنه و مرقوم احمدک ایقاع
ایتمش اولدینی برقتل فلندن طولای محکمه جنایتجه
محاکمه سی دردت اجرا بولندینندن مدعی عمومی
معاوننک طلبیه جنایت دعواسیله بالتوجید رؤی
ضمننده اوراق مدعی عمومیکله اعاده سنه قرار
ویرلدیک مسطور اولدینه و بوسیدین طولای دخی
متهملردن قصاب احمد انطاق ایلدکده کندوسی
مرقوم عبد اللهی ضرب ایتدیکری سولیدی .

بدایت محکمه سنده عبد اللهک بکرمی باره لق
چورکی اون پاره یه ویرمامسندن طولای نه ایچون
بویله اوفق بابورسکز دیهرک و اطاله لسانده بولنهرق
قصاب احمد افاج ایله کندوسنک اغزیه اوردینی
سولیلی و راپورده دخی عبد اللهک شفه اعلاسی
طرف داخلنده آلت راضه ایله حاصل اذیک بره
وزروه اتی اوززنده صغیر صریق و جزئی شیش
وصاغ الزنک وسط برمنی اوززنده کذا بر مقدار
شیش کولدیکی ازار قلنمش اولدینی بیان اولندقدده
مرقوم احمد کندوسنک انکار سابقنده مصر
بولدی .

شاهدلردن برmq قبوده تراموای جاده سنده
یوز بکرمی یدی نومروی دکانه اقامته بهاللق
ایتدیکری سولیان بکرمی سکز باشنده نوشهرلی

قلیاندروس ولد عنکلی دعوت واقعه ایتاباً ورود
ایتدیکری خبر ویرلمکله حضور محکمه به چیقاریلهرق
لدی السؤل طرفینه برکونه مناسبت و خصوصتی اولمادینی
اکلاشدقندن وعلی الاصول امر تحلیلی اجرا قلندقدن
صکره مواجهه استاع اولندقدده متهم احمدک قامچی
ایل عبد اللهی ضرب ایلدیکری کوردیکری افاده
ایلدی .

شاهدلردن قسطمونیلی محمد بن عثمانک مملکتی
جانبه کیتدیکری جانبیه سی زرنده کی شرحدن اکلاشمقله
و قسطمونینک زرنده اولدینی بیلنه مامکله مطالعه سی
صوریلان معاون موسی الهیک طای و جهله افاده
مضبوطه سنک قراشته دائر متفقاً ویریلان قرار
طرفنه اکلا دلقدن صکره اوقوتدیرلدقدده احمدک
قرباج ایل عبد اللهی ضرب ایتدیکری کوردیکری مشهر
اولدینی اکلاشلمشدر .

متهم احمد قلیاندروسک افاده سنه قارشو اثبات
ایدمن ایدده مرقومک نفسانیی اولدینی سولش
و محمدک قرائت اولنان افاده سنه قارشو اختیار سکوت
ایشدر .

طرفینک توسیع تحقیقاته متعلق بشقه طلبلری
اولدینی لدی السؤل اکلاشمقله تحقیقاتک بولندن
عبارت ایدوک بیان اولندقدده معاون موسی ایل
متهملردن احمدک ترکلیجی ادبی دوستنه تعرض
وتسلط ایتسندن متحصل اغبرار و خصوصته بناء
جرح و قتل و نظر علی بی قتل قصدیه جرح و عبد اللهی
ضرب و آزار بهی یونس دخی توفیق وحسینک
معاونتلیله جرح و قتل ایلدیکری شاهدلرک شهادتی
و معاینه راپورلری مندرجانی و عندالحاکمه حاصل اولان
دلائل و امارات ایله ثابت اولدینندن مرقومونک
اولوجهله مجریمتلیله قرار ویرلسنی طب وادعا
ایلدی .

(مابعدی کله حاکم نسخه به)

یکدیگرکی ضرب ایتدیکری اکلاشیه میان آصف
افندی ایله ملکناز خانمک برائتلیله
ایراث خسار فعلنه جرأتی اکلاشیه میان حافظ
برهان الدین افندینک برائتنه
خلاف تنبیه سلاح طاشیدینی ثابت اولان محمدک
عدم مسئولیتنه

اسماعیلی ضرب ایلدیکری اصولاً ثابت اولان
مصطفانک برهفته مدته حبسنه

نورالدین افندی به اطاله لسان ایتدیکری ثابت
اولان حاجی عمر افادن بر التون اخذینه
ملک خانمی ضرب ایدن سیده خانمندن بر التون
اخذینه

مضارب ایلدیکری اصولاً ثابت اولان عارفک
اون بش کون وحسینک برهفته حبسلریله
یکدیگرکی ضرب ایدن عمر والیسک بر هفته
حبسلریله

ظریفه خانمک تودیع ایلدیکری اوراق و تقودی
کتم ایله امنیتی سوه استعمال ایلدیکری ثابت اولان
اوشاق موقوف اسماعیلک برسنه حبسنه

مانوله محل ناموس سوز سولیدیکری ثابت اولان
ضیانک ایکی کون حبسنه

مجر وحیه سبیت ویردیکری ثابت اولان بارکیچی
حسینک اون بش کون حبسنه

محمد افانک حق دخولی اولسان محله کیردیکری
ثابت اولدینندن اوج کون حبسنه و کندوسندن اتی
بشک جزای نقدی آتسنه

حسین اغای جرح ایلدیکری ثابت اولان طناشک
اون بش کون حبسنه

سودجی محمدی ضرب ایلدیکری ثابت اولان نوری
افندیدن برلیرا اخذینه

ماریاتی قادینه اطاله لسان ایلدیکری ادعاسیله
مظنون علیه اولان دیونسک حرکتی ثابت اولدینندن
بر هفته حبسنه

قومیسرکظم افندینک حامد وعلی اغالری ضرب
و مرقومانه اطاله لسان ایلدیکری ثابت اولدینندن بر
هفته مدته حبسنه

یونسک علی بی ضرب ایلدیکری ثابت اولدینندن
اون بش کون مدته حبسنه

امینک شریفی ضرب ایلدیکری ثابت اولدینندن
اون بش کون مدته حبسنه

تیورجی نیقونک ایتالیالی چوندی بی ضرب
ایلدیکری ثابت اولدینندن بر هفته مدته حبسنه

مصطفی ایله محال علینک مضارب ایلدیکری ثابت
اولدینندن بر هفته مدته حبسلریله

عزت و تحسین واحمدک مصطفی اغای ضرب
ایلدیکری ثابت اولدینندن بر هفته مدته حبسلریله
درسعادت ، لک اوغل و اسکدار بدایت محکمه لری
جزا دائرلرنجه قرار ویرلشددر .

محاکمات ایتدیه

بانچه قضای بدایت محکمه سی اعضاسندن اغویجان
افندینک موادمینه ده وظیفه ما موره سی سوه استعمال
ایلدیکری اطنه ولایتی استیفاف محکمه سی مدعی عموم
میلکندن وارد اولان اوراق تحقیقیه محتویاتندن

ا کلاشلمسنة بناءً بالغزل محكمه التته التسهنة عدليه نظارت جليله سندن مأذونیت اعطا واولوجهله محلنه تبلیغات مقتضیه اجرا قلنمشدر .

اعلانات

نبارت بحربه محكمه سنده :

بك اوغلنده تونل خانی التنده تونل مغازه لری ناميله معروف تجارتكاهده مقيم (پ . م سوردانوس شركتتك ۲۳ ايلول سنه ۳۲۱ تاريخندن اعتباراً اعلان افلاسنه ومصالح افلاسيه نك رؤيت وتسويه سي ضمننده اعضای محكمه دن مارقارافنديك زوژ قوميسر ودعوى وكيلرندن عثمان طلعت بكه شكيب وباولاكي يادكار اوغلى افنديك موقت سنديك تعيينلرينه ومغازه سيله اشياى زائده بيتيلرينك تمهينيه واوراق ودفاترينك جلبنه وكفالت ارانه ايده مديكي تقدیره حبس وتوقيفه وبوبابده كي قرارك موقتاً اجراسنه محكمه تجارت بحريه جه قرار ويرلمش اولديغندن قانوننامه تجارتك ۱۷۰ نجى ماده سي موجبجه دائمى سنديكلر انتخاب اولنق اوزره ۲۷ كانون اول سنه ۳۲۲ چهارشنبه كوني ساعت يدي بچق راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

محكمه تجارت اجرا دائره سنده :

محكمه بكه اولان دين محكومك تأمين تسويه سيچون احمد ناظم بكك قوزغنجقده ولى قوج زقاغنده مكرر طقوز نومرو ايله مرقم على التخمين بيك سكر يوز ذراع عرصه يوز التمش ذراع محلنه مبنى بودروم قانى كاركي واوزرى اخشاب يدي اوطه وايكي صفه وآروجه بر اوشاق اوطه سي وبر مطبخ وبركوز صو قيو سي ومشمولات سائرني حاوى بر باب كوشكده قرق حصه اعتباريله متصرف اولديني يكرمى بر حصه سنك فروختى مقرر بولنش وبر موجب قرار حصه مذكوره بوندن اقدم موقع مزايديه قونيله رق عثمانلى ليراسى يوز غروش حسابيله يدي بيك غروشده طالبي عهده سنده قالمش وكانون اولك اون التنجى كونندن اعتباراً اوتوز بركونه يعنى كانون ثاينيك اون التنجى صالى كوني ساعت اونه قدر يوزده بش ضم قبول اولنسى وذكراولنان يوم وساعته صوك مزايده سي بالا اجرا قرار قطعي سي ويريلاهرك طالبي عهده سنه كچورلمسى مقرر بولنش اولديغندن واندن صكره هرنه ضم وقوع بولور ايسه قبول اولنيه جغندن مذكور حصه يه يوزده بش ضميلاه طالب

اولانلرك ودها زياده معلومات آلق ايستيانلرك مدت مذكوره ظرفنده بدل مزايده نك عشرينه مساوى بي اچيه سيله برابر محكمه تجارت اجرا دائره سنه مراجعت ايتلىرى ويوم ووقت مزبورده مذكورخانه پيشكاهنده مأمورى مواجهه سنده حاضر بولنلىرى دائره مذكوره دن اعلان اولنور .

ايتاليا دولتى تبعه سندن بانكر الياسقوقسطنطينك قابضمال محمد ايله خديجه وفاطمه خانملر ذمتلرنده برنجى محكمه تجارت اعلاميله بكديكره كفيل بالمال صفيله محكوم به اله جنى اولان مباغك تأمين تسويه سي ضمننده مديونلردن خديجه خانمك عهده تصرفنده اولان قرتالده چنارلى چشمه موقعنده بغدادجاده سنده برطرفى امالى اوغلى على باغچه سي وديكر طرفى قره عثمان اوغلى على اغا باغچه سي وطرف رابى چايرلر وصارى واسيل اوغلى لامى باغچه ليله محدود بولنان برقطعه بوستانك نصف حصه شايه سي بوندن اقدم لدى المزايده ليراي عمانى يوز غروش حسابيله اوچبيك غروش بدل ايله داي اوزرند قالمش وكانون اول رومينك اون التيسندن اعتباراً اوتوز بركونه يعنى كلهك كانون تاقى رومينك اون التنجى صالى كوني ساعت اونه قدر يوزده بش ضم قبول اولنسى وذكراولنان يوم وساعته صوك مزايده سي بالا اجرا قرار قطعي سي ويريلاهرك طالبي عهده سنه كچورلمسى مقرر بولنش اولديغندن واندن صكره هرنه ضم وقوع بولور ايسه قبول اولنيه جغندن مذكور نصف حصه يه يوزده بش ضم ايله طالب اولانلرك وبوندن زياده معلومات المق ايستيانلرك مدت مرقومه ظرفنده بدل مزايده نك عشرينه مساوى بي اچيه سيله برابر محكمه تجارت اجرا دائره سنه مراجعت ايتلىرى ويوم ووقت مزبورده مذكور بوستان پيشاهنده مأمورى مواجهه سنده حاضر بولنلىرى اعلان اولنور .

ايساق پاوليديسه اولان دين محكومك تأمين تسويه سيچون ابنه قالفه لرندن حاجى آرتين آيله يانك صاينده قوجه مصطفى پاشا محله سنده تيمورجى اوسكيدان زقاغنده اوتوز سكر مكرر اوتوز سكر نومرو ايله مرقم على التخمين اوچيوز كسور ذراع عرصه ده اوچ قات بهرى طقوزر اوطه وايكيشر صوفه وبرر مطبخ ومرمر دوشه لى برر حولى وبودروملرنده برر كمورلك وفوقنده برر تراچه وآرقه جهتنده برر مقدار باغچه وبركوز مشترك صو قيو سنى مشتمل ويوز الليشر غروش ايجاره متحمل كاركي ايكي باب خانه ده متصرف اولديني نصف حصه لرينك فروختى مقرر بولنش اولغله بر موجب قرار حصص

مذكوره تاريخ اعلاندن اعتباراً اون بش كون صكره موقع مزايديه وضع ايديله جكندن اشتراسنه طالب اولانلرك وبوندن زياده معلومات المق ايستيانلرك محكمه تجارت اجرا دائره سنه مراجعت ايتلىرى اعلان اولنور .

عدد

عدد

- | | |
|---|------------------|
| ۲ كياه مملو كوشه مندررى ۸ نجره قاربلاسى | ۱ مع آينه قونسول |
| ۱ فرنك كارى كلیم | ۲ قولتق |
| ۳ مشمع نجره برده سي | ۳ صنداليه |
| ۱ ديكيش ماكنه سي | ۱ قنابه |
| ۲ لامبه | ۲ سهپا |
| ۱ يلك ماصه سي | |

طناش وايليانك حاجى حافظ علاه الدين افندى ذمتنده اولان مطلوب محكوملرينك تأمين استيفاسى ايچون محجوز اولوب فروختى مقرر بولنان نوع وجنسى بالاده محرر اشياى منقوله تاريخ اعلاندن اعتباراً اوچ كون صكره يعنى كانون اول رومينك اون طقوزنجى صالى كوني مأمورى معرفيله بالمزايده فروخت اولنه جغندن اشتراسنه طالب اولانلرك يوم مذكوره ساعت بشده اشياى مذكوره نك بولنديني سلطان سليم جوارنده دباغ بونس محله سنده قرق القى نومرولى خانه پيشكاهنده حاضر بولنلىرى محكمه تجارت اجرا دائره سندن اعلان اولنور .

در سعادت اعمال نظامه اجرا دائره سنده :

فاطمه شريفه خانمك صديقه خانمك پدرومورثى متوفى قائم مقام نظيف بك ذمتنده محكوم به الاجننى اولان مبالغك تأمين تسويه سيچون متوفى موسى اليهك عهده تصرفنده اولوب حجزى اجرا قلنمش اولان اناطولى حصارنده كوكلو جهتنده نشان طاشى نام موقعه تخمينا ايكي يوز اوتوز ارشون عرصه اوزرينه مبنى برنجى قانى كاركي وايكنجى قانى اخشاب درت اوطه وبركيير صالونى وبركيلار والت قانى چنى طوغله دوشه لى حولى وآروجه قرق بش ارشون عرصه اوزرينه مبنى اخشاب مطبخ ومشمولات سائرني حاوى وتخمينا القى دونم اراضى ودرونده برقيونى محتوى مكرر يدي نومرولى كوشك تمامك تاريخ اعلاندن اعتباراً اون بش كون صكره بالمزايده فروخته تشبث اولنه جنى اعلامات نظامه اجرا دائره سندن اعلان اولنور .